

# Geiq Baez Doxidax Dwk Binghbanghgiuz Ndeu

□ Sanglinz Yen Sizyen Yozyau Funghlingj Yaughih roek (3) ban Lanz Ginhmingz

Gangj daengz baez ginglig doxdax dwk binghbanghgiuz haenx, gou miz di gikdoengh, hix roxnyinh miznaj.

Doiqgya duh gou dwg Siujmingz, de ndaej gvaq yozyau binghbanghgiuz doxdax daih' it mingz. Gou hix mbouj ca, hix ndaej gvaq daih' it mingz. Dou dwg ak doiq ak, song mbiengj ak doxdoengz. Baezneix gou ndaej mbouj ndaej hingz Siujmingz ne? Gou dajheiq hawj swhegeij: Simdingh bae doxdax, saw hingz cungj gojnaengz.

Doxidax lo, Siujmingz sien fat giuz. Ga gou cab ndei maxboux, buenq maeuq ndang, da yawj ndaej caez, cimyawj fajfwngz fatgiuz Siujmingz, guh ndei dangj giuz cinjbi. Mbouj ngeix daengz Siujmingz fatgiuz youh vaiq youh baenq, gou baez dangj, giuz couh sinz deuz lo. Gojij gangj, gou gaenbonj mbouj miz bonjsaeh dangj ndaej.

Doxlwnz fatgiuz song baez le, Siujmingz fatgiuz gou cungj dangj mbouj ndaej, seizhaenx caen miz di simgip, gwngz naj fat hoengz, najbyak biu hanh. Hoeng gou hix cugciemh lumh cinj Siujmingz baenzlawz fatgiuz lo, aenq giuz baenq gvaq mbiengj lawz, vanzlij guh ndei cinjbi dangj giuz.



Siujmingz dwk binghbanghgiuz suzdu vaiq, gou couh caeuq de dauqfanj bae guh, mbaeumbengmbeng baez dangj, giuz gvaqbae lo. Siujmingz caiq dwk giuz gvaqdaeu, gou swnhfwngz fwd dwk gij bonjsaeh gaepgiuz gou, gen baez iet, gaep! Vaiq, haenq, cinj, gou hingz ndaej aen giuz ndeu. Simcingz gou soeng lai lo.

Couh yienghneix, dou song boux mwngz fat gou dangj, mwngz diuq gou gaep, bing daeuq ciengq dangj, raemx daeuq namh moek, raen ciu cek ciu, yawj gihvei guh bienqvaq. Dou dwk ndaej nanz faen saw hingz.

Mbouj rox seizlawz, seiq henz dou gaenq miz haujai doengzhag humx gvaqdaeuq yawj, humx dwk ndaw sam caengz rog sam caengz, mbouj doeng heiq.

Ginggvaq haenqrengz doxdax, gou gingqyienz hingz Siujmingz lo. Siujmingz gwngz gyaeuq hanh laeriri, cix mbouj lumz daengj fwngzmeh haenx gou: "Mwngz caen ak! Gou fug saw." Gou lienzmuengz dap: "Docih mwngz nyiengh gou."

"Ba ba ba……" Sing bekwngz yiengi hwnjdaeuq lo.

Seizneix, gou gamjdaengz, mbwn

daegbied lamz, rumz daegbied sangj, hahaha……

## 记一次乒乓球比赛

上林县实验学校丰岭校区六(3)班 蓝金铭

说起那次乒乓球比赛的经历,我有点激动,也有点自豪。

我的对手是小明,他曾获得学校乒乓球比赛冠军。我也不赖,也获得过第一名。我俩是棋逢对手,势均力敌。这次我能不能打赢小明呢?我鼓励自己:沉着比赛,一切皆有可能。

比赛开始,小明先发球。我扎好马步,半蹲身体,目光如炬,盯着小明的发球手,做好挡球准备。没想到小明发的球又快又转,我一挡,球就飞了。可以说,我根本没有招架之力。

经过两轮换发球,小明发的球我都挡不住,那时真有些着急,小脸通红,额头冒汗。但是我也逐渐摸清了小明发球的手法,估计球运转的方向,并做好了挡球准备。

小明打球速度快,我就反其道而行之,轻轻一挡,球过去了。小明再把球打过来,我趁机发挥我的扣球优势,手臂一拉,扣!快,狠,准,我赢了一个球。我的心情舒缓了许多。

就这样,我们两个你发我接,你推我挡,你吊我扣,兵来将挡,水来土掩,见招拆招,随机应变。我们打得难分胜负。而不知什么时候,围观的同学已把我们围得里三层外三层,水泄不通了。

经过激烈角逐,我竟然赢了。小明满头大汗,却不忘给我竖起大拇指:"厉害,甘拜下风。"我赶忙回话:"谢谢承让。"

"啪啪啪……"掌声响起来了。此时,我感到,天格外蓝,风格外爽,哈哈……

(lauxsae son raiz:Lij Lanzyen  
指导老师:李兰艳)

## Gij Gienbaengzyoux Vunz Ciuhgeq

—Doeg 《Sawgeq Yawj Sat》 Miz Gamjsiengj

Aen gyaigiz neix, daxmeh oet bonj saw 《Sawgeq Yawj Sat (古文观止)》 hawj gou, naeuz neix dwg "gij gienbaengzyoux vunz ciuhgeq". Gou hozngeiz: Vunz ciuhgeq hix miz gienbaengzyoux? Gou baez biengjhai, ngawhngwd lo, cungj dwg saw ciuhgeq! Hoeng cengqgengz doeg roengzbae, cij fatyienh bonj "gij gienbaengzyoux vunz ciuhgeq" neix caen mizyinx raixcaix!

Boux daih' it okdaeuq dwg Fan Cungyen, de dwg boux yousim guekgya yousim lwgminz ndeu, gij gienbaengzyoux de daihgaiq dwg yienghneix: "Ngoenzneix youh bae Yozyangzlouz youzcet lo, yawjyawj gij bya dah gyaeundeix neix, gou gietdingh aeu dang boux hak 'yousim lajmbwn' ndeu!" Baihlaj miz baenz dong diemjhaenh, bingzlnh: "Fan vunzhung vifung!" "Yienghneix cij dwg cingq naengzliengh!"

Yienzhaeuh dwg Cuhgoz Lieng, de dwg bouxhak caenhsim caenhrengz ndeu. Gij gienbaengzyoux de dwg yienghneix: "Ngoenzneix youh gyaban daengz gyanghwnz, vihliux aen guek Sujhan, gou caen dwg caenhsim caenhrengz, dai bae cij sat lo!" Baihlaj Liuz Bei bingzlnh: "Gungjmingz dwgrengz lo!" Liuz Canz hoizfuk: "Daxboh caijsieng aeu goq ndei ndangdaej!"

Ceiq dwgriu dwg gij gienbaengzyoux Suh Siz lo, de dwg boux siujgvij ndeu, gij gienbaengzyoux de haemzbaengzlaengz dwg gij ndeigwn: "Ngoenzneix cauh byaek moq lo—Nohdunghboh, caezgya vaiq daeuq

cimzcimz!" "Youq Vangzcouh fatyienh cungj bingj ndeu, ndei gwn raixcaix, gou hawj de anmingz guh "Bingjdunghboh!" Baihlaj Vangz Dingzgenh bingzlnh: "Lauj Suh, mwngz youh biz haujai luba?"

Mboujgvaq hawj gou ceiq gamjdoengh dwg gij gienbaengzyoux Lij Miz: "Daxbuz dawz bingh lo, gou yaek swz guen ma ranz ciuqgoq de. Yienznaeuz vuengzdaeq hawj cienzong hawj gou gig lai, hoeng 'roegga hauqswnh, dauq ciengx duzmeh'." Baihlaj diemjhaenh foenfoen: "Lwghauq ho!" "Neix cij dwg daeg lwg ndei ndeu!"

Doq doeg doq doeg, gou fatyienh gij vunz ciuhgeq neix yienznaeuz swngghoz youq cien bi gaxgonq, hoeng gij angqaeng hujheiq de caeuq raeuz doxlumj riri. Gyoengqde hix vih guhhong nyapnyuk, vih vunz ndaw ranz causim, vih gij ndeigwn guengzbag. Cijdwg gyoengqde dawz gijneix raiz baenz "faenzcieng okmingz", baez mbouj siujsim couh riuz baenz cien bi.

Seizneix gou hix yaek hag raiz di ngoenzgeiq, gangj mbouj dingh gvaq geij cien bi le, "gij gienbaengzyoux" gou hix ndaej genj haeuj 《Bonj Moq Sawgeq Yawj Sat》 bae ni! Daengz seizhaenx vunz ciuhlaeng doeg daengz gou raiz coenz vah "ngoenzneix youh raiz mbouj caez cozyez, deng lauxsae naeuz lo", mbouj rox gyoengqde dwg mbouj dwg riu dwk enj aek enj ai bae?

(bouxraiz: Yij Fungh  
bouxhoiz: Yinj Fuzgen)



## Dah'iq Mbanjranz

□ Buj Gunhvingi

Mbanjranz gou dwg aen mbanj iq ndeu, gizhaenx miz diuz dah' iq raemx sawdikdik ndeu. Dah' iq couh lumj diuz baengzcouz saekloeg nei, hopheux aen mbanj iq gyaundeix gou, hawj gvaengh mbanj gou hoenghning dangqmaz.

Ndit set roengz gwngz dah, raemx myab ndongq myab ndongq, lumj baenz gyoengq ndaundeix youq gwngz dah diuq foux. Geij duz bitiq cwxcailh dwk youz gvaqdaeuq, yaep ndeu baek aen' gyaeuq roengz raemx bae, yaep ndeu daj fweid boebboeb, hawj raemx sinz hwnj fufub, hapraemx baenz gien baenz gien mbe doxok.

Mwh mbawfaex loengqfoenfoen, dah' iq youh dwg lingh cungj gyaue ndeu. Mizmbangj mbawfaex loengq roengz gwngz raemx, couh lumj aen dem aen ruziq, riengz raemx fozyedyed biu baenaj; mizmbangj mbawfaex loengq roengz henz hamq, hawj henz hamq lumj bu fan danj nanwnwt saekgim nei. Mwhneix dah' iq caemdingh youh unqswnh, hawj vunz yawj le siengj ngon sei.

Mboujlwnh dwg haetromh ndit set gwngz dah ndongqmyanz, roxnaeuz dwg seizcou mbawfaex loengqfoenfoen, diuz dah' iq mbanjranz cungj gag youq de, dinghdingh dwk yawj mbanjranz bienqvaq. De mboujdan ganqciengx benq dieg haenx, hix rapdawz gij ndaejgeiq ndeiraeh seiz lwngyez gou.

Gou gyaed dah' iq mbanjranz.